



## Ordinaziun davart las chasas da dimora da las scolas chantunalas

Sa basond sin ils art. 11 e 19 da la lescha davart las scolas medias sco er sin ils art. 14 e 21 da la lescha per la scolaziun da las dunnas. Relaschada da la regenza ils 4 da fanadur 2000

### I. Administraziun

#### 1. SUBORDINAZIUN, DIRECZIUN

Surveglianza

**Art. 1**

Las chasas da dimora (convict e chasa da dimora) da las scolas chantunalas èn suttamessas a la surveglianza dal departament.

Direcziun

**Art. 2**

Las direcziuns da las chasas da dimora èn responsablas per l'assistenza educativa da las scolaras e dals scolars sco er per ina gestiun moderna e raziunala.

#### 2. ORGANISAZIUN, PERSUNAL

Persunal

**Art. 3**

L'engaschament da las collavuraturas, dals collavurats e da las persunas auxiliaras reglan las direcziuns da las chasas da dimora.

Urden  
da chasa

**Art. 4**

Las direcziuns da las chasas da dimora fan in urden da chasa.

Convict

**Art. 5**

<sup>1</sup> A la direcziun dal convict stattan a disposiziun persunas da surveglianza cun pensums parzials per l'assistenza e la direcziun dals scolars durant las seras e sur las fins d'emna.

<sup>2</sup> Scolars pli vegls adattads sustegnan las persunas da surveglianza e la direcziun dal convict.

### 3. RENTABILITAD, CONTABILITAD

Taxas d'albiert e da dunsena	<p><b>Art. 6</b></p> <p><sup>1</sup> Sche pussaivel fixa il departament las taxas d'albiert e da dunsena uschia, ch'ellas cuvran 80 pertschient dals custs da gestiun.</p> <p><sup>2</sup> Ils pretschs èn d'adattar, uschespert ch'il grad effectiv da la cuvrada dals custs cuntanschì divergescha per dapli che 5 puncts pertschientuals da la prescripziun.</p> <p><sup>3</sup> Per la chasa da dimora vegnan applitgadas per regla las tariffas correspudentas dal convict.</p>
------------------------------	--

### 4. ADMISSIUN, EXTRADA

Admissiun	<p><b>Art. 7</b></p> <p><sup>1</sup> Las direcziuns da las chasas da dimora fixan il termin d'annunzia ch'è da publitgar en il Fegl da scola dal Grischun, en il Fegl uffizial dal chantun ed en la pressa quotidiana.</p> <p><sup>2</sup> Davart l'admissiun da scolaras e scolars decidan las direcziuns da las chasas da dimora. L'admissiun vala per regla per in onn.</p>
Premissas	<p><b>Art. 8</b></p> <p><sup>1</sup> L'admissiun da las scolaras e dals scolars succeda, sch'il dumber da las annunzias surpassa las plazzas disponiblas, tenor la suandanta successiun:</p> <ol style="list-style-type: none"> <li>1. Tut las scolaras ed ils scolars da la scola per tgirunzas da chasa</li> <li>2. Scolaras e scolars da valladas giu da via</li> <li>3. Scolaras e scolars sut 18 onns</li> <li>4. Ulteriuras ed ulteriurs tenor l'entrada da lur annunzias</li> </ol>
Alloschament, alimentaziun	<p><b>Art. 9</b></p> <p><sup>1</sup> Las direcziuns da las chasas da dimora repartan chombras singulas e dublas a las scolaras ed als scolars. Per quest intent resguardan els uschè bain sco pussaivel ils giavischs annunziads.</p> <p><sup>2</sup> Las scolaras ed ils scolars vegnan alimentads da glindesdi en damaun fin venderdi saira.</p>
Extrada	<p><b>Art. 10</b></p> <p><sup>1</sup> L'extrada è pussaivla per regla be sin la fin da l'onn da scola observond in termin da desditga da dus mais.</p> <p><sup>2</sup> Sch'i n'existan betg avunda plazzas libras, alura pon las direcziuns da las chasas da dimora desdir a scolaras e scolars maiorens fin mez matg sin la fin da l'onn da scola.</p>
Scolaras e scolars externs giasts	<p><b>Art. 11</b></p> <p><sup>1</sup> A scolaras e scolars externs po la direcziun permetter da s'alimentar en il convict.</p> <p><sup>2</sup> La mensa da la chasa da dimora stat a disposiziun a las scolaras internas ed a las scolaras ed ils scolars externs. La direcziun da la chasa da dimora decida davart las pussaivladads d'alimentaziun per giasts.</p>

## II. Direcziun ed educaziun da las scolaras e dals scolars

Disciplina	<b>Art. 12</b> Tgi che vul abitar en las chasas da dimora s'oblighescha d'observar l'urden da chasa sco er las disposiziuns da las direcziuns da las chasas da dimora.
Procedura disciplinara	<b>Art. 13</b> <sup>1</sup> Cuntravenziuns levas cunter la disciplina chastian las direcziuns da las chasas da dimora, cuntravenziuns pli grevas il departament. <sup>2</sup> Il departament po excluder ina scolara u in scolar sin proposta da las direcziuns da las chasas da dimora e reglond l'obligaziun da surpigiar ils custs.
Malsogna	<b>Art. 14</b> Scolaras e scolars che sa sentan malsaus ston annunziar quai immediat a las direcziuns da las chasas da dimora. Quellas consulteschan eventualmain il medi. En cas grevs orienteschan ellas immediat ils geniturs. Ils custs per l'agid medical ha da surprendre la scolara u il scolar.
Convict	<b>Art. 15</b> <sup>1</sup> L'assistenza educativa dals scolars è ina incumbensa principala da la direcziun dal convict. Ils scolars vegnan survegliads en lur lavur, intimads da furmar a moda raschunaivla lur temp liber ed integrads en la responsabladad. <sup>2</sup> La direcziun fa in'attenziun speciala al departament manieraivel dals scolars, a l'educaziun vers la cuminanza ed a l'igiene dal corp. Ella promova ils scolars en la planisaziun independenta da lur lavur ed als gida a far lur pensums.

## III. Disposiziuns finalas

Duair d'instrucziun, direcziun dal convict	<b>Art. 16</b> Il departament fixa il duair d'instrucziun e la direcziun dal convict.
Disposiziuns	<b>Art. 17</b> Disposiziuns da las direcziuns da las chasas da dimora pon vegnir contestadas cun in recurs tar il departament aifer 14 dis dapi la communicaziun.
Dretg complementar	<b>Art. 18</b> Ils urdens da scola da las scolas participadas valan conform al senn.
Aboliziun dal dretg da fin uss	<b>Art. 19</b> Cun l'entrada en vigur da questa ordinaziun vegn abolida l'ordinaziun davart il convict da la scola chantunala grischuna dals 23 da favrer 1976.
Entrada en vigur	<b>Art. 20</b> Questa ordinaziun va en vigur sin il 1. d'avust 2000.